

хамби, энэгуэри, ми симбивэ ичэвэнгуй тамби.“
Монён агдахани, солива дахами, энэлухэни.
Соликан капканчи монёмба олбинда, ундини:
„Гэ, эй, си мэнэ дяпару. Ми си дюлиэлэси
дяпаорива чихалачимби.“ Монён бэгдии кап-
канчи гидалахани, капкан капирахани. Тотапи
соликан пагдиалагохани, бэюнсэлбэ хэм хэрси-
хэни, тотара монёнчи ичэвэнкини: „Ичэусу суэ
хони-да би дянгиамба сондөхамбари! Ичэсу-тэни,
нёани мурун анани, капканду капирагокпини.“

* * *

Кэксэди, соликанди хони-да индадиади хо-
раорива пэргэлихэчи. Кэксэ ундини: „Ми инда-
салди нгэлэсимби, ми эм эрдэмбэ сарамби.“
Соликан ундини: „Тэнг эм эрдэнди индадиади
хони хорами мутэури? Минду-тэни надайнго
надан эрдэн, надайнго надан хачин дяка бини.“
Туй хисангойчи долани вайчай гурун дичичи,
индасал пукчилухэчи. Кэксэду эм эрдэн бичи-
ни — нёани мочи мокчахани, индасал нёамбани
варачичи. Соликан-тани мэнэ хачин эрдэнди
талохани, тотам-да хорачини, индасал нёамбани
вахачи.

* * *